



## IZVJEŠTAJ O FINANSIJSKOJ REVIZIJI

**MINISTARSTVA ZA RAD, SOCIJALNU POLITIKU, RASELJENA LICA I  
IZBJEGLICE KANTONA SARAJEVO**

**za 2017.godinu**

Broj: 01-02-07-14-2-9-1484-5/17

Sarajevo, septembar 2018. godine



## SADRŽAJ

I	MIŠLJENJE REVIZORA .....	1
1.	MIŠLJENJE O FINANSIJSKIM IZVJEŠTAJIMA .....	1
2.	MIŠLJENJE O USKLAĐENOSTI.....	2
II	KRITERIJI ZA REVIZIJU .....	4
III	IZVJEŠTAJ O REVIZIJI.....	5
1.	UVOD .....	5
2.	PREDMET, CILJ I OBIM REVIZIJE.....	5
3.	PRAĆENJE PRIMJENE PREPORUKA IZ PRETHODNIH REVIZIJA I ANALIZA PODUZETIH MJERA.....	5
4.	SISTEM INTERNIH KONTROLA .....	6
5.	PLANIRANJE, DONOŠENJE BUDŽETA I IZVJEŠTAVANJE.....	7
6.	FINANSIJSKI IZVJEŠTAJI .....	7
6.1	GODIŠNJI IZVJEŠTAJ O IZVRŠENJU BUDŽETA.....	7
6.1.1	Rashodi, izdaci i finansiranje.....	7
6.1.1.1	Plate i naknade troškova zaposlenih.....	8
6.1.1.2	Izdaci za materijal, sitan inventar i usluge.....	8
6.1.1.3	Tekući transferi i drugi tekući rashodi .....	10
6.2	BILANS STANJA.....	13
6.2.1	Stalna sredstva .....	13
7.	JAVNE NABAVKE .....	13
8.	KOMENTAR .....	14
IV	PRILOG GODIŠNJI FINANSIJSKI IZVJEŠTAJI.....	15
	Godišnji izvještaj o izvršenju budžeta za 2017. godinu.....	16
	Bilans stanja na dan 31.12.2017. godine .....	19



## I MIŠLJENJE REVIZORA

Mišljenje revizora se daje na osnovu provedene finansijske revizije koja obuhvata reviziju finansijskih izvještaja i reviziju usklađenosti aktivnosti, finansijskih transakcija i informacija iskazanih u finansijskim izvještajima sa zakonskim i ostalim propisima.

### 1. MIŠLJENJE O FINANSIJSKIM IZVJEŠTAJIMA

#### **Uvod**

Izvršili smo reviziju finansijskih izvještaja **Ministarstva za rad, socijalnu politiku, raseljena lica i izbjeglice Kantona Sarajevo za 2017. godinu** koji obuhvataju: Račun prihoda i rashoda, Bilans stanja, Izvještaj o kapitalnim izdacima i finansiranju, Posebne podatke o plaćama i broju zaposlenih, Godišnji izvještaj o izvršenju budžeta i Analizu izvršenja budžeta – tekstualni dio.

#### **Odgovornost rukovodstva za finansijske izvještaje**

Rukovodstvo **Ministarstva za rad, socijalnu politiku, raseljena lica i izbjeglice Kantona Sarajevo** odgovorno je za izradu i fer prezentaciju finansijskih izvještaja u skladu sa prihvaćenim okvirom finansijskog izvještavanja, koji je definisan Zakonom o budžetima u FBiH, Zakonom o računovodstvu i reviziji u FBiH, Uredbom o računovodstvu budžeta u FBiH, Pravilnikom o knjigovodstvu budžeta u FBiH i Pravilnikom o finansijskom izvještavanju i godišnjem obračunu budžeta u FBiH. Ova odgovornost podrazumijeva i kreiranje, primjenu i održavanje internih kontrola koje su relevantne za pripremu i prezentaciju finansijskih izvještaja koji ne sadrže značajne pogrešne iskaze uslijed prevare ili greške.

#### **Odgovornost revizora**

Naša je odgovornost da izrazimo mišljenje o finansijskim izvještajima na osnovu provedene revizije. Reviziju smo izvršili u skladu sa Zakonom o reviziji institucija u FBiH i primjenjivim Međunarodnim standardima vrhovnih revizorskih institucija (ISSAI 1000-1810). Ovi standardi zahtijevaju da postupamo u skladu sa etičkim zahtjevima i da reviziju planiramo i izvršimo na način koji omogućava da se, u razumnoj mjeri, uvjerimo da finansijski izvještaji **Ministarstva za rad, socijalnu politiku, raseljena lica i izbjeglice Kantona Sarajevo** ne sadrže značajne pogrešne iskaze uslijed prevare i greške. Revizija uključuje obavljanje postupaka u cilju pribavljanja revizorskih dokaza o iznosima i objavama u finansijskim izvještajima. Izbor postupka je zasnovan na prosuđivanju revizora, uključujući procjenu rizika značajnog pogrešnog prikazivanja u finansijskim izvještajima uslijed prevare ili greške. Prilikom procjene rizika, revizor razmatra interne kontrole koje su relevantne za pripremu i fer prezentaciju finansijskih izvještaja u cilju odabira revizorskih postupaka koji su odgovarajući u datim okolnostima, ali ne u svrhu izražavanja mišljenja o efikasnosti internih kontrola. Revizija uključuje ocjenu primjenjenih računovodstvenih politika i značajnih procjena izvršenih od strane rukovodstva, kao i ocjenu opće prezentacije finansijskih izvještaja. Revizor takođe ocjenjuje finansijsko upravljanje, funkciju interne revizije i sistem internih kontrola.

Vjerujemo da su revizorski dokazi koje smo pribavili dovoljni i odgovarajući da osiguraju osnov za naše mišljenje.

#### **Pozitivno mišljenje**

Prema našem mišljenju, finansijski izvještaji **Ministarstva za rad, socijalnu politiku, raseljena lica i izbjeglice Kantona Sarajevo**, pokazuju fer i istinito, u svim materijalnim aspektima, stanje imovine, obaveza i izvora sredstava na dan 31.12.2017. godine, izvršenje budžeta za godinu koja se završava na taj datum, u skladu sa prihvaćenim okvirom finansijskog izvještavanja.



## 2. MIŠLJENJE O USKLAĐENOSTI

### ***Uvod***

Izvršili smo i reviziju usklađenosti aktivnosti, finansijskih transakcija i informacija iskazanih u finansijskim izvještajima **Ministarstva za rad, socijalnu politiku, raseljena lica i izbjeglice Kantona Sarajevo za 2017. godinu**, sa značajnim zakonima i drugima propisima.

### ***Odgovornost rukovodstva za usklađenost***

Pored odgovornosti za pripremu i fer prezentaciju finansijskih izvještaja, rukovodstvo **Ministarstva za rad, socijalnu politiku, raseljena lica i izbjeglice Kantona Sarajevo** je takođe odgovorno da osigura da su aktivnosti, finansijske transakcije i informacije iskazane u finansijskim izvještajima u skladu sa propisima kojima su regulisane i potvrđuje da je tokom fiskalne godine osiguralo namjensko, svrshodno i zakonito korištenje sredstava odobrenih budžetom institucije za ostvarivanje utvrđenih ciljeva, te ekonomično, efikasno i efektivno funkcionisanje sistema finansijskog upravljanja i kontrole.

### ***Odgovornost revizora***

Reviziju usklađenosti smo izvršili u skladu sa Zakonom o reviziji institucija u FBiH i ISSAI 4000-Standard za reviziju usklađenosti. Pored gore navedene odgovornosti da izrazimo mišljenje o finansijskim izvještajima, naša odgovornost podrazumijeva i izražavanje mišljenja o tome da li su aktivnosti, finansijske transakcije i informacije iskazane u finansijskim izvještajima, u svim materijalnim aspektima, u skladu sa zakonima i drugim propisima kojima su regulisane. Ova odgovornost uključuje obavljanje procedura kako bi pribavili revizijske dokaze o tome da li je poslovanje **Ministarstva za rad, socijalnu politiku, raseljena lica i izbjeglice Kantona Sarajevo** za 2017. godinu prema definisanim kriterijima, usklađeno sa zakonima i drugim propisima.

Vjerujemo da su revizorski dokazi koje smo pribavili dovoljni i odgovarajući da osiguraju osnov za naše mišljenje.

### ***Osnova za mišljenje s rezervom***

1. **Ministarstvo je po osnovu zakupa objekata O-9 i O-10 na lokaciji Otes (164 stana, 18 poslovnih prostora, šest unutarnjih garaža i 60 vanjskih parkirnih mjesta) i troškova održavanja zajedničkih prostorija iskazalo izdatke u iznosu od 940.965 KM, dok su po osnovu izdavanja u podzakup istih (od samo pet garaža) ostvareni prihodi u iznosu od 2.972 KM. Istovremeno, za usluge fizičke zaštite stambenih objekata u naselju Gladno polje, koji se sastoje od 36 stanova iskazan je izdatak u iznosu 20.600 KM. Stambeni objekti se ne mogu staviti u funkciju smještaja socijalnih kategorija stanovništva, s obzirom da za iste nisu osigurane građevinska i upotrebljiva dozvola. Navedeno ukazuje da su spomenuti stambeni objekti neiskorišteni, dok se istovremeno u značajnom iznosu plaća zakup drugih stambenih jedinica za smještaj socijalnih kategorija stanovništva, što potvrđuje neracionalno i neefikasno trošenje budžetskih sredstava (tačke: 6.1.1.2. i 6.1.1.3. Izvještaja).**



***Mišljenje s rezervom***

Prema našem mišljenju, osim za navedeno u Osnovi za mišljenje s rezervom, aktivnosti, finansijske transakcije i informacije prikazane u finansijskim izvještajima **Ministarstva za rad, socijalnu politiku, raseljena lica i izbjeglice Kantona Sarajevo za 2017. godinu** u skladu su, u svim materijalnim aspektima, sa zakonima i drugim propisima kojima su regulisane.

Sarajevo, 06.09.2018. godine

**ZAMJENIK GENERALNOG REVIZORA**

**Dragan Kolobarić, dipl.oec.**

**GENERALNI REVIZOR**

**Dževad Nekić, dipl.oec.**



## **II KRITERIJI ZA REVIZIJU**

Ured za reviziju institucija u Federaciji Bosne i Hercegovine, u okviru finansijske revizije provodi i reviziju finansijskih izvještaja i reviziju usklađenosti. Revizija usklađenosti, u okviru finansijske revizije, podrazumijeva proces objektivnog prikupljanja i procjenjivanja dokaza, kako bi se utvrdilo da li je dati predmet revizije, tj. finansijski izvještaji, kao i aktivnosti, finansijske transakcije i informacije prikazane u finansijskim izvještajima, usklađen sa odgovarajućim kriterijima koji su sadržani u zakonima i drugim propisima. Kriteriji predstavljaju poredbene parametre koji se koriste kako bi se dala ocjena predmeta revizije.

Kriteriji za reviziju finansijskih izvještaja su sljedeći:

- Zakon o budžetima u FBiH;
  - Uredba o računovodstvu budžeta u FBiH;
  - Pravilnik o knjigovodstvu budžeta u FBiH;
  - Pravilnik o finansijskom izvještavanju i godišnjem obračunu budžeta u FBiH;
- Zakon o računovodstvu i reviziji u FBiH.

Kriterij za reviziju usklađenosti su sljedeći:

- Zakon o budžetima u FBiH;
- Budžet Kantona Sarajevo za 2017. godinu;
- Zakon o izvršavanju Budžeta Kantona Sarajevo za 2017. godinu;
- Zakon o trezoru u FBiH;
- Zakon o javnim nabavkama;
- Zakonu o državnoj službi u Kantonu Sarajevo;
- Zakon o namještenicima u organima državne službe u FBiH;
- Zakon o plaćama i naknadama u organima vlasti Kantona Sarajevo;
- Zakon o porezu na dohodak;
- Zakon o doprinosima;
- Zakona o internoj reviziji u javnom sektoru u FBiH;
- Zakon o finansijskom upravljanju i kontroli u javnom sektoru u FBiH;
- Zakon o osnovama socijalne zaštite, zaštite civilnih žrtava rata i zaštita porodice sa djecom;
- Zakon o raseljenim osobama-prognanicima i izbjeglicama-povratnicima u Kantonu Sarajevo.



### III IZVJEŠTAJ O REVIZIJI

#### 1. UVOD

**Ministarstva za rad, socijalnu politiku, raseljena lica i izbjeglice Kantona Sarajevo** (u daljem tekstu: Ministarstvo), osnovano je Zakonom o ministarstvima Kantona Sarajevo<sup>1</sup>. Stupanjem na snagu Zakona o organizaciji i djelokrugu organa uprave i upravnih organizacija Kantona Sarajevo<sup>2</sup>, Ministarstvo je nastavilo sa radom, ali sa novim djelokrugom poslova.

Prema istom Zakonu, Ministarstvo vrši uprave i stručne poslove utvrđene Ustavom, zakonom i drugim propisima, koji se odnose na ostvarivanje nadležnosti Kantona Sarajevo u oblasti rada, socijalne politike, raseljenih lica i izbjeglica. Osnivanjem Kantonalne uprave za inspekcijske poslove, preuzeti su inspekcijski poslovi iz Ministarstva i to: inspekcija rada, inspekcija zaštite na radu i inspekcija socijalne zaštite.

Poslovi iz nadležnosti Ministarstva vrše se u okviru osnovnih organizacionih jedinica: Sektor za socijalnu politiku, Sektor za socijalno planiranje, Sektor za finansijsko-računovodstvene i pravne poslove i Izvanorganizaciona jedinica.

Unutrašnja organizacija Ministarstva, način rada i rukovođenja, kao i opis poslova i zadataka utvrđeni su Pravilnikom o unutrašnjoj organizaciji, na koji je saglasnost dala Vlada Kantona Sarajevo (u daljem tekstu: Vlada Kantona) 15.02.2017. godine. Istim su sistematizovana radna mjesta za 40 izvršilaca, a na dan 31.12.2017. godine u Ministarstvu je bilo 28 uposlenih. Budžetom Kantona Sarajevo (u daljem tekstu: Budžet) za 2017. godinu planirano je 30 uposlenih.

Ministarstvom rukovodi ministrica Alma Dautbegović, imenovana 24.11.2015. godine.

Sjedište Ministarstva je u Sarajevu, u ulici Reisa Džemaludina Čauševića 1.

#### 2. PREDMET, CILJ I OBIM REVIZIJE

Predmet revizije su finansijski izvještaji **Ministarstva za rad, socijalnu politiku, raseljena lica i izbjeglice Kantona Sarajevo za 2017. godinu** i usklađenost aktivnosti, finansijskih transakcija i informacija iskazanih u finansijskim izvještajima sa značajnim zakonima i drugim propisima.

Cilj finansijske revizije je da na osnovu provedene revizije izrazi mišljenje da li su finansijski izvještaji pouzdani i da li bilansi u potpunosti odražavaju rezultate izvršenja budžeta. Revizijom će se procijeniti da li rukovodstvo institucije primjenjuje zakone i propise i koristi sredstva za odgovarajuće namjene, te ocijeniti finansijsko upravljanje, sistem internih kontrola i funkcija interne revizije.

Revizija je obavljena u skladu sa internim planskim dokumentima revizije, sa prekidima u periodu od decembra 2017. godine do jula 2018. godine.

S obzirom da se revizija obavlja ispitivanjem na bazi uzorka i da postoje inherentna ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške mogu ostati neotkrivene.

#### 3. PRAĆENJE PRIMJENE PREPORUKA IZ PRETHODNIH REVIZIJA I ANALIZA PODUZETIH MJERA

Ured za reviziju institucija u FBiH prvi put vrši reviziju finansijskih izvještaja Ministarstva. U prethodnom periodu, u okviru revizije Budžeta Kantona Sarajevo, revidirane su i pojedine transakcije Ministarstva.

<sup>1</sup> „Sl. novine KS“, br. 7/96

<sup>2</sup> „Sl. novine KS“, br. 2/12- prečišćeni tekst, 4/12, 8/15 i 13/17



## 4. SISTEM INTERNIH KONTROLA

### **Sistem internih kontrola**

Radi ostvarenja programskih ciljeva rada, ekonomičnog, efikasnog i efektivnog trošenja javnih sredstava neophodno je imati uspostavljen funkcionalan sistem internih kontrola, za šta je odgovorno rukovodstvo Ministarstva. Faktor koji najviše utiče na funkcionalnost istog je povoljno kontrolno okruženje koje prvenstveno dolazi do izražaja kroz organizacionu strukturu, način rukovođenja, prenošenje ovlaštenja, vrednovanje rezultata rada, sistem nagrađivanja i poštivanje postojećih zakonskih propisa.

Revizijom smo izvršili ispitivanje sistema internih kontrola, kako bi se procijenila tačnost i pouzdanost podataka na kojima se baziraju finansijski izvještaji i usklađenost istih sa važećim zakonskim i drugim propisima. Odgovornost na uspostavi sistema internih kontrola je na ministru Ministarstva, a ona se ogleda u uspostavi i održavanju sistema upravne i računovodstvene kontrole nad odobrenim finansijskim planovima, naplatama prihoda i primitaka i budžetskim izdacima i isplatama.

Ministarstvo nije donijelo pravilnik o internim kontrolama, shodno članu 86. Zakona o budžetima u FBiH<sup>3</sup>, već koristi Pravilnik o internim kontrolama i internim kontrolnim postupcima iz 2009. godine, u kojem nisu izvršene procjene rizika za poslovne procese koji mogu dovesti do neželjenih učinaka u poslovanju budžetskih korisnika.

Ministarstvo je započelo aktivnosti na uspostavljanju sistema internih kontrola prema COSO modelu, kako to nalažu odredbe članova 4. do 13. Zakona o finansijskom upravljanju i kontroli u javnom sektoru u FBiH<sup>4</sup> i članovi 3. do 6. Pravilnika o provođenju finansijskog upravljanja i kontrole u javnom sektoru u FBiH<sup>5</sup>. Rješenjima od 08.06.2017. godine imenovana je Radna grupa za uspostavu, provođenje, razvoj i koordinaciju finansijskog upravljanja i kontrole i Tim za uspostavu, provođenje, razvoj i koordinaciju finansijskog upravljanja i kontrole u Ministarstvu i povezanim javnim ustanovama. Odlukom o provođenju finansijskog upravljanja i kontrole od 01.12.2017. godine propisane su odgovornosti i postupci za uspostavu, provođenje, razvoj i koordinaciju finansijskog upravljanja i kontrole, izvještavanje, ocjenu aktivnosti i efikasnosti sistema finansijskog upravljanja i kontrole u organizacionim i izvanorganizacionim jedinicama Ministarstva. Konsolidovani izvještaj o funkcionisanju sistema finansijskog upravljanja i kontrole za 2017. godinu je 27.02.2018. godine dostavljen Ministarstvu finansija Kantona Sarajevo (u daljem tekstu: Ministarstvo finansija).

Utvrđili smo nedovoljno funkcionisanje sistema internih kontrola kod obračuna poreza i doprinosa po osnovu nesamostalne djelatnosti uposlenika i izmirenja obaveza za komunalne usluge korisnika smještaja u objektima kolektivnog stanovanja.

**Za naprijed navedene nedostatke i slabosti u funkcionisanju sistema internih kontrola date su odgovarajuće preporuke u dijelu Izvještaja u kojima su šire obrazložene spomenute aktivnosti.**

**Izjava o fiskalnoj odgovornosti** sačinjena je 12.03.2018. godine i istog dana je dostavljena nadležnom Ministarstvu finansija.

#### **Preporuka:**

- ***U skladu sa članom 86. Zakona o budžetima u FBiH donijeti pravilnik o internim kontrolama.***

#### **Interna revizija**

Poslove interne revizije u Ministarstvu bi prema odredbama Zakona o internoj reviziji u javnom sektoru u FBiH<sup>6</sup> i Pravilnika o kriterijima za uspostavljanje jedinice za internu reviziju u javnom sektoru u FBiH<sup>7</sup> trebala obavljati Jedinica za internu reviziju uspostavljena u Ministarstvu finansija. Prema raspoloživim podacima u revidiranoj godini nije bilo aktivnosti interne revizije u Ministarstvu.

<sup>3</sup> „Sl. novine FBiH“, br. 102/13, 9/14, 13/14, 8/15, 91/15, 102/15 i 104/16

<sup>4</sup> „Sl. novine FBiH“, br. 38/16

<sup>5</sup> „Sl. novine FBiH“, br. 6/17

<sup>6</sup> „Sl. novine FBiH“, br. 47/08

<sup>7</sup> „Sl. novine FBiH“, br. 82/13 i 74/14

### **Prevencija korupcije**

U skladu sa Akcionim planom Vlade Kantona za borbu protiv korupcije za period 2015.-2019. godine, Ministarstvo je 28.12.2015. godine donijelo Akcioni plan za borbu protiv korupcije za 2015.-2019. godinu. Planom integriteta od 04.04.2016. godine i njegovim izmjenama od 08.07.2016. godine su identificirana mesta moguće korupcije kako u Ministarstvu, tako i u javnim ustanovama u nadležnosti Ministarstva. Tokom revidirane godine Ministarstvo je imalo aktivnosti na otkrivanju koruptivnih aktivnosti u skladu sa Godišnjim planom finansijskog nadzora u javnim ustanovama iz oblasti socijalne zaštite i JU Služba za zapošljavanje od 12.04.2017. godine i Godišnjim planom finansijskog nadzora udruženja osoba sa invaliditetom koja se finansiraju/sufinansiraju iz Budžeta Kantona Sarajevo od 02.06.2017. godine.

## **5. PLANIRANJE, DONOŠENJE BUDŽETA I IZVJEŠTAVANJE**

Ministarstvo je u zakonskom roku dostavilo budžetski zahtjev Ministarstvu finansija u iznosu od 75.374.500 KM. Budžetom za 2017. godinu odobrena su sredstva u iznosu od 67.242.600 KM. Izmjenama i dopunama Budžeta sredstva su umanjena za 3.552.916 KM, tako da ukupno odobreni budžet Ministarstva za istu godinu iznosi 63.689.684 KM.

Pravna osnova za planiranje najznačajnijeg dijela odobrenih sredstava proizilazi iz odredbi Zakona o socijalnoj zaštiti, zaštiti civilnih žrtava rata i porodica sa djecom i Zakona o raseljenim osobama-prognanicima i izbjeglicama – povratnicima Kantona Sarajevo. Od ukupno odobrenog budžeta u iznosu 63.689.684 KM za prava po spomenutim zakonima, čija realizacija je predviđena putem tekućih transfera, planirano je 61.561.484 KM ili 96,66%. Preostalih 2.128.200 KM je predviđeno za ostale namjene i to plaće i naknade troškova zaposlenih 785.800 KM, doprinosi poslodavca 70.200 KM, izdaci za materijal i usluge 137.200 KM i izdaci za nabavku stalnih sredstava 1.135.000 KM.

Tokom revidirane godine, odlukama Vlade Kantona o preraspodjelama između budžetskih korisnika, Ministarstvu je odobreno 302.072 KM na poziciji nabavke osnovnih životnih artikala za spravljanje obroka u javnim kuhinjama, a iz tekuće rezerve Vlade Kantona 15.740 KM na ime izmirenja obaveza po izvršnim sudskim rješenjima.

Izvještaj o radu za period 01.01.-31.12.2017. godine dostavljen je Vladi Kantona 07.02.2018. godine.

Ministarstvo je u propisanom roku sačinilo i nadležnim organima i institucijama dostavilo finansijske izvještaje za 2017. godinu. Uz finansijske izvještaje su dostavljene Zabilješke u kojima su obrazložene sve stavke rashoda i izdataka.

Provedenom revizijom smo utvrdili da Godišnji izvještaj o izvršenju budžeta za 2017. godinu nije sačinjen u skladu sa Pravilnikom o finansijskom izvještavanju i godišnjem obračunu budžeta u FBiH, obzirom da na poziciji planskih veličina nisu iskazane vrijednosti iz Budžeta za 2017. godinu usvojene od strane Skupštine Kantona Sarajevo, već vrijednosti iz Operativnog budžeta.

## **6. FINANSIJSKI IZVJEŠTAJI**

### **6.1 GODIŠNJI IZVJEŠTAJ O IZVRŠENJU BUDŽETA**

#### **6.1.1 Rashodi, izdaci i finansiranje**

U Godišnjem izvještaju o izvršenju budžeta za 2017. godinu, iskazani su rashodi i izdaci u iznosu od 62.277.127 KM, što u odnosu na operativni budžet od 64.003.352 KM predstavlja ostvarenje od 97,3%.

Strukturu rashoda i izdataka čine: tekući transferi i drugi tekući rashodi 61.290.272 KM, plaće i naknade troškova zaposlenih 758.897 KM, izdaci za materijal, sitan inventar i usluge 103.710 KM, doprinosi poslodavca 71.092 KM i izdaci za nabavku stalnih sredstava 53.156 KM.

#### 6.1.1.1 Plate i naknade troškova zaposlenih

Bruto plaće i naknade plaća iskazane su u iznosu od 667.658 KM. Obračun plaća i naknada vrši se u skladu sa Zakonom o plaćama i naknadama u organima vlasti Kantona Sarajevo<sup>8</sup>, kao i internim aktima Ministarstva.

Naknade troškova zaposlenih iskazane su u iznosu od 91.239 KM. Iste se odnose na naknade za topli obrok 49.163 KM, prijevoz s posla i na posao 14.330 KM, regres za godišnji odmor 12.572 KM, otpremnine zbog odlaska u penziju 11.742 KM, te pomoći u slučaju smrti 3.432 KM.

Izdaci naknada su vršene su u skladu sa Zakonom o plaćama i naknadama u organima vlasti Kantona Sarajevo, Uredbom o naknadama koje nemaju karakter plaće<sup>9</sup>, kao i internim aktima Ministarstva.

#### 6.1.1.2 Izdaci za materijal, sitan inventar i usluge

Izdaci za materijal, sitan inventar i usluge iskazani u iznosu od 103.710 KM, a u odnosu na prethodnu godinu (78.296 KM) veći su za 32,46%. Strukturu ovih izdataka čine ugovorene i druge posebne usluge 100.022 KM i putni troškovi 3.688 KM. U okviru ugovornih usluga, najznačajniji su: izdaci za druge samostalne djelatnosti 52.950 KM, porez na dohodak, doprinosi za zdravstveno osiguranje i PIO, poseban porez na dohodak od druge samostalne djelatnosti i povremenog samostalnog rada 13.658 KM, usluge javnog informisanja 13.527 KM, izdaci za rad komisija 8.220 KM i usluge reprezentacije 4.816 KM.

**Izdaci za druge samostalne djelatnosti** iskazani su u iznosu 52.950 KM. Najznačajniji iznosi se odnose na poslove fizičke zaštite stambenih objekata u naselju Gladno polje.

Zavod za izgradnju Kantona Sarajevo je 03.08.1998. godine u svrhu izgradnje izbjegličkog naselja u Gladnom polju kupio tri zemljišne parcele od UPI Zemljoradnička zadruga Ilidža. Tokom iste godine na kupljenim parcelama je izgrađeno devet tipskih polumontičnih stambenih objekata sa po četiri stana. Nakon okončane izgradnje, Zavod za izgradnju Kantona Sarajevo je na korištenje iste predao Ministarstvu, za smještaj raseljenih porodica koje su u skladu sa Zakonom o raseljenim licima i povratnicima u FBiH i izbjeglicama iz BiH imale pravo na smještaj, tako da je ovo naselje imalo status kolektivnog centra.

U periodu od 1999.-2012. godina, u navedenim objektima smještaj je koristilo cca. 5.000 porodica (uz stalnu fluktuaciju korisnika). U svrhu adekvatnog stambenog rješenja porodica koje su boravile u naselju Gladno polje, Ministarstvo je iz budžetskih sredstava realizovalo Projekat rekonstrukcije objekta kolektivnog centra u Ilijasu u okviru kojeg je izgrađeno 25 stanova. Nakon što su tadašnji korisnici smještaja iz navedenog naselja preseljeni u rekonstruisanu zgradu u Ilijasu, dana 31.08.2012. godine naselje u Gladnom polju je zatvoreno. S obzirom da su stambene jedinice u naselju Gladno polje ostale prazne, planirano je da se navedeni stambeni objekti predaju na raspolaganje JU „Kantonalni centar za socijalni rad“ za smještaj porodica u stanju socijalne potrebe. Međutim, ustanovljeno da stambene jedinice nemaju građevinsku i upotrebnu dozvolu, te se odustalo od primopredaje i useljenja novih korisnika. Naime, nakon kupovine zemljišta i izgradnje stambenih objekata Zavod za izgradnju Kantona Sarajevo imao je samo urbanističku saglasnost, ali ne i građevinsku i upotrebnu dozvolu od nadležnih organa.

Ministarstvo je započelo aktivnosti na eventualnom dobivanju naknadne urbanističke saglasnosti i građevinske dozvole, ali bezuspešno zbog neriješenih imovinsko pravnih odnosa. Budući da Zavod za izgradnju Kantona Sarajevo nije blagovremeno pokrenuo postupak za upis predmetnog zemljišta u zemljišne knjige u korist Zavoda za izgradnju Kantona Sarajevo – Državno vlasništvo, na prijedlog Ministarstva, Vlada Kantona je na sjednici održanoj 07.03.2016. godine, donijela Zaključak kojim se zadužuju Zavod za izgradnju Kantona Sarajevo i Pravobranilaštvo Kantona Sarajevo da, u okviru svojih nadležnosti, provedu postupak na rješavanju imovinsko pravnih odnosa za zemljište na kojem je izgrađeno devet stambenih objekata, te dobijanju građevinske i upotrebnu dozvole.

<sup>8</sup> „Sl. novine KS“, br. 33/11, 5/13 i 9/15

<sup>9</sup> „Sl. novine KS“, br. 4/12 i 25/14



U cilju zaštite imovine Kantona Sarajevo (nelegalno useljenje od strane beskućnika), Ministarstvo je krajem 2012. godine angažovalo fizičko obezbjeđenje u naselju Gladno polje, putem Agencije za zaštitu „Nova Gama“ d.o.o. Međutim, zbog velikih troškova za navedene usluge (za dva mjeseca plaćeno 5.223 KM), Ministarstvo je odlučilo za navedene usluge angažovati lica po Ugovoru o djelu. Tokom 2017. godine na poslovima fizičkog obezbjeđenja je bilo angažovano šest lica (u prosjeku tri lica mjesечно), a ukupna isplaćena naknada je iznosila 20.600 KM (u prosjeku 1.716 KM mjesечно). Pojedinačna vrijednost ugovora je iznosila u rasponu od 267 do 1.067 KM, a najčešće su ugovori zaključeni u neto iznosu 700 KM.

Vlada Kantona je 16.03.2017. godine imenovala Tim za izradu Analize pravnog i institucionalnog okvira Kantona u svrhu smanjivanja siromaštva i socijalne isključenosti u Kantonu Sarajevo predviđene Strategijom razvoja Kantona do 2020. – Akcioni plan 2016.-2019. godine. Sa imenovanim licima Ministarstvo je zaključilo ugovore o djelu (ugovorena mjesечna naknada za predsjednika 600 KM, a za ostale članove 500 KM). Za obavljanje stručnih i tehničkih poslova angažovano je lice po ugovoru o djelu (mjesечna naknada 800 KM). Tim za izradu Analize pravnog i institucionalnog okvira u Kantonu je završio aktivnosti na izradi spomenutog dokumenta, te je ukupna isplaćena naknada po ovom osnovu za period od četiri mjeseca iznosila 17.600 KM.

Dana 12.10.2017. godine Vlada Kantona je imenovala Tim za izradu Akcionog plana reforme i razvoja sistema socijalne zaštite u Kantonu 2018.-2020. u sastavu predsjednik i osam članova. Ugovori su zaključeni sa pet vanjskih saradnika (ugovorena mjesечna naknada 600 KM i 700 KM), a ukupno isplaćena naknada do kraja godine je iznosila 6.200 KM. Aktivnosti na izradi navedenog Akcionog plana su završene u maju 2018. godine.

Ostali ugovori o djelu se odnose na poslove prikupljanja podataka o socijalno ugroženim kategorijama stanovništva u smislu stambenog zbrinjavanja kroz sociostanogradnju 3.050 KM, analiza primjene Zakona o zaštiti ličnih podataka i drugih relevantnih propisa u Ministarstvu i izrada podzakonskih akata iz ove oblasti 2.400 KM, aktivnosti u provedbi Programa obilježavanja "Dječje nedjelje" u Kantonu 1.500 KM i dr.

**Izdaci za rad komisija** iskazani su u neto iznosu 8.220 KM, a odnose se na Komisiju za izbor kandidata na poziciju predsjednika i članova upravnog odbora i predsjednika i članova nadzornog odbora javnih ustanova iz oblasti rada, socijalne politike, raseljenih lica i izbjeglica Kantona 5.700 KM, Komisiju za provođenje Javnog poziva za dodjelu novčanih sredstava humanitarnim organizacijama/neprofitnim organizacijama i udruženjima za 2017. godinu 1.140 KM, Komisiju za ocjenu i odabir manifestacija i aktivnosti koje će učestvovati u obilježavanju „Dječje nedjelje“ u Kantonu Sarajevo 1.000 KM i Drugostepenu disciplinsku komisiju 380 KM. Ukupno isplaćena naknada uposlenicima, koji su članovi komisija iznosi 4.680 KM. U komisijama su angažovana dva lica koja su već po osnovu ugovora o djelu angažovana u Ministarstvu i njima je za rad u komisijama isplaćeno ukupno 760 KM, dok su istovremeno ostvarili naknadu po ugovoru o djelu po istom ili drugom osnovu.

Provedenom revizijom smo utvrdili da je uposlenicima isplaćivana naknada za obavljanje poslova koji su u nadležnosti Ministarstva. Pored toga, obračun i isplata naknada, članovima komisija koji su uposlenici, nije imao tretman plaće, kako je propisano odredbama Zakona o porezu na dohodak<sup>10</sup> i Zakona o doprinosima. **Naime, nije poštovan član 27. Zakona o porezu na dohodak i član 11. Zakona o doprinosima, kojim je propisano da se naknade koje poslodavac isplaćuje uposleniku za njegovo angažovanje na poslovima koji imaju karakteristike nesamostalne djelatnosti, bilo da se izvršavaju u radno vrijeme ili izvan radnog vremena, smatraju se oporezivim prihodom po osnovu nesamostalne djelatnosti i imaju tretman plaće.**

### **Preporuka:**

- ***Obračun poreza i doprinosa nastalih po osnovu nesamostalne djelatnosti za uposlenike Ministarstva vršiti u skladu sa odredbama člana 27. Zakona o porezu na dohodak i člana 11. Zakona o doprinosima.***

<sup>10</sup> „Sl. novine FBiH“, br. 10/08; 09/10; 44/11; 07/13; 65/13



### 6.1.1.3 Tekući transferi i drugi tekuci rashodi

Tekući transferi su iskazani u iznosu 61.290.272 KM i isti se odnose na tekuće transfere pojedincima 58.263.239 KM, tekuće transfere neprofitnim organizacijama 3.008.296 KM i druge tekuće rashode 18.737 KM.

**Tekući transferi pojedincima** se odnose na transfere za zaštitu porodica sa djecom 28.019.396 KM, transfere socijalne zaštite 15.370.886 KM, transfere civilnim žrtvama rata 14.328.155 KM i transfer za raseljena lica i izbjeglice 544.802 KM.

**Transferi neprofitnim organizacijama** se odnose na sufinansiranje rada javnih kuhinja 1.922.596 KM, transfer udruženjima osoba sa invaliditetom 735.700 KM i sufinansiranje rada neprofitnih organizacija (KIU „Gerontološki centar“) 350.000 KM.

**Drugi tekući rashodi** odnose se na izvršna sudska rješenja.

#### I. Tekući transferi pojedincima

##### I.1. Transferi za zaštitu porodica sa djecom

**Transferi za zaštitu porodica sa djecom** se odnose na: naknada umjesto plaće ženi majci u radnom odnosu 14.507.169 KM (60% prosječne plaće u Kantonu Sarajevo), dječiji dodatak 7.414.643 KM, naknada umjesto plaće ženi majci koja nije u radnom odnosu 4.771.036 KM (30% prosječne plaće u Kantonu Sarajevo), subvencije boravka djece u predškolskim ustanovama 328.432 KM, zdravstvena zaštita djece 260.900 KM, pomoć u prehrani djeteta – dodatna prehrana za majke 189.883 KM, jednokratna novčana pomoć za opremanje bebe 134.190 KM (35% prosječne plaće u Kantonu Sarajevo), „Dječija nedjelja“ 188.254 KM i PTT i ostali troškovi za Zaštitu porodica sa djecom 224.889 KM. O pravima iz oblasti socijalne zaštite porodice sa djecom, s izuzetkom „Dječije nedjelje“ u kojem o odabiru manifestacija odlučuje Ministarstvo, odlučuju nadležne općinske službe, koje donose rješenja, u skladu sa odredbama Zakona o socijalnoj zaštiti, zaštiti civilnih žrtava rata i zaštiti porodica sa djecom i Uredbe o subvencioniranju troškova boravka djece u predškolskim ustanovama na području Kantona Sarajevo. Sredstva se doznačavaju nadležnim općinama, koje vrše doznake sredstava krajnjim korisnicima.

##### I.2. Transferi socijalne zaštite

**Transferi socijalne zaštite** se odnose na: socijalna davanja 13.376.436 KM, PTT i ostali troškovi za socijalna davanja 101.080 KM, troškovi smještaja socijalnih kategorija 975.802 KM, sredstva za pomoć građanima 329.651 KM, subvencioniranje troškova grijanja socijalnih kategorija 509.120 KM, sufinansiranje rada Ekonomsko-socijalnog vijeća 72.897 KM i zdravstveno osiguranje radnika u preduzećima koji nisu u mogućnosti izmirivati iste, a u većinskom vlasništvu su Kantona Sarajevo 5.900 KM.

Pod **socijalnim davanjima** se podrazumijevaju isplate stalnih novčanih pomoći, novčane naknade za njegu i pomoć od strane druge osobe, jednokratne novčane pomoći, izuzetne novčane pomoći, ospozobljavanje za život i rad, smještaj u stanove socijalne zaštite, smještaj u drugu porodicu, zdravstveno osiguranje socijalnih kategorija, troškovi ljekarskih komisija i troškovi komisija za ocjenu radne sposobnosti. O pravima iz oblasti socijalnih davanja odlučuje JU „Kantonalni centar za socijalni rad“ na osnovu odredbi Zakona o socijalnoj zaštiti, zaštiti civilnih žrtava rata i zaštiti porodica sa djecom. Sredstva za stalnu, jednokratnu i izuzetu novčanu pomoć, naknada za njegu i pomoć od strane druge osobe, kao i ospozobljavanje za život i rad se doznačavaju na tekuće račune korisnika, dok se ostali oblici socijalnih davanja doznačavaju na račune pružatelja usluga.

**Troškovi smještaja socijalnih kategorija** se odnose na: zakup objekata kolektivnog stanovanja O-9 i O-10 u Otesu u iznosu 892.352 KM, troškovi održavanja zajedničkih prostorija u objektima O-9 i O-10 u Otesu 48.613 KM i troškovi obezbjeđenja smještaja socijalnih kategorija stanovništva 34.835 KM.

Kanton Sarajevo je 2002. godine zaključio ugovor sa firmom „GPA – Društvo za razvoj i stanogradnju“ d.o.o. Sarajevo o zakupu stanova za lica u stanju socijalne potrebe o objektima O-9 i O-10 na lokaciji Otes, koje imaju 164 stana, 18 poslovnih prostora, šest unutarnjih garaža i 60 vanjskih parking mesta, na rok od 30 godina. Ugovorom je definisana godišnja cijena zakupa u iznosu 693.623 KM, što predstavlja 5% vrijednosti objekata, s tim da se ista usklađuje s indeksom porasta cijena prema podacima Austrijske



centralne službe za statistiku. Napominjemo da je na osnovu ovog parametra, cijena zakupa u 2017. godini porasla na iznos od 892.352 KM. Odlukom Skupštine Kantona Sarajevo od 10.07.2003. godine stanovi uzeti u zakup raspoređeni su na kantonala ministarstva na sljedeći način: Ministarstvo za boračka pitanja 84 stana, Ministarstvo za rad, socijalnu politiku, raseljena lica i izbjeglice 53 stana, Ministarstvo za obrazovanje, nauku i mlade i Ministarstvo kulture i sporta po osam stanova, Ministarstvu unutrašnjih poslova šest stanova i Ministarstvo zdravstva pet stanova. Zaključivanje ugovora o podzakupu dato je u nadležnost Ministarstva prostornog uređenja, građenja i zaštite okoliša, odabir korisnika stanova je u nadležnosti ministarstava, a odluke o oslobođanju obaveze plaćanja zakupa donosi JU „Kantonalni centar za socijalni rad“.

Prema Informaciji Ministarstva prostornog uređenja, građenja i zaštite okoliša od 21.03.2018. godine u 2017. godini su 163 stana bila useljena, dok je samo jedan poslovni prostor dat u podzakup (JU „Kantonalni centar za socijalni rad“), kao i pet unutarnjih garaža. U 2017. godini zaključeni ugovori o podzakupu stanova sa 67 korisnika, na rok od jedne godine i svi su u cijelosti oslobođeni plaćanja zakupa. Veći dio korisnika, ukupno 96, koristilo je stanove bez zaključenih ugovora. Prema spomenutoj Informaciji, osnovni razlog za nezaključivanje ugovora o podzakupu je što ministarstva, kojima su stanovi dodijeljeni na korištenje, nisu dostavili dokaze da su korisnici stanova izmirili obaveze za komunalne usluge.

**Uvidom u prezentiranu dokumentaciju utvrdili smo da, iako određeni broj korisnika stanova po ugovorima iz prethodne godine nije u cijelosti bio oslobođen plaćanja zakupnine za stanove, u knjigovodstvenim evidencijama iskazani su samo prihodi od podzakupa pet garaža u iznosu 2.972 KM.**

Prema prezentiranoj Informaciji o stanju obaveza za komunalne usluge u objektima kolektivnog stanovanja Ministarstva od 16.07.2018. godine, obaveze za odvoz smeća, vodu, plin i električnu energiju korisnika stanova iznose 409.874 KM. S obzirom da se spomenute obaveze prvenstveno odnose na korisnike sa kojima nisu zaključeni ugovori o podzakupu, izvjesno je da će izmirenje istih pasti na teret Ministarstva, odnosno Budžeta Kantona.

Iz naprijed navedenog proizilazi da je Ugovor sa firmom „GPA – Društvo za razvoj i stanogradnju“ d.o.o. Sarajevo iz 2002. godine, zaključen po ugovorenim uslovima na period od 30 godina više nego nepovoljan za Kanton i da se iz Budžeta Kantona po tom osnovu godišnje izdvajaju značajna sredstva. Samo u 2017. godini, po osnovu zakupa objekta kolektivnog stanovanja O-9 i O-10 i troškova održavanja zajedničkih prostorija plaćeno je 940.965 KM.

S druge strane, više je nego očigledno da se iznajmljenim objektima, odnosno, stanovima, poslovnim prostorima i garažama, nesavjesno i neodgovorno raspolaže, odnosno, gazduje. Smatramo da nema opravdanja što sa 96 korisnika stanova nisu zaključeni ugovori o podzakupu iz razloga što isti korisnici ne izmiruju obaveze čak ni za komunalne naknade. Stoga je izvjesno da će se iz Budžeta Kantona izmiriti i obaveze za komunalne usluge koje sada iznose 409.874 KM i koje se svaki dan povećavaju, što potvrđuje neracionalno i neefikasno trošenje budžetskih sredstava.

**Sredstva obezbjeđenja smještaja socijalnih kategorija stanovništva** u iznosu 34.835 KM se odnose na sufinansiranje troškova podstanarstva. Način realizacije spomenutog transfera je reguliran Zaključkom Vlade Kantona od 29.03.2012. godine, kojim su utvrđeni potencijalni korisnici ovih sredstava, kao i iznos kojim će se podstanarstvo sufinansirati. O pravu na sufinansiranje odlučuje JU „Kantonalni centar za socijalni rad“, koja i zaključuje ugovor sa korisnikom sredstava. Sredstva se doznačavaju na tekući račun podstanara.

**Sredstva za pomoć građanima** se odnosi na sufinansiranje troškova dženaza, sahrana i ukopa u iznosu 110.771 KM, sufinansiranje prihvatilišta za prosjake i skitnice u iznosu 148.000 KM i sredstva za pomoć građanima 70.080 KM. O pravima za sufinansiranje troškova dženaza, sahrana i ukopa odlučuje JU „Kantonalni centar za socijalni rad“ na osnovu Uredbe o plaćanju troškova dženaza/sprovoda/ukopa. Dozvane prihvatilištu za prosjake i skitnice KJU „Gerontološki centar“ je zasnovano na Zaključku Vlade Kantona o sufinansiranju prihvatilišta sa 12.400 KM mjesечно na ime plaćanja dodatnih troškova vezanih za smještaj prosjaka i skitnica. O pravu na sredstva za pomoć građanima odlučuje Ministarstvo na osnovu Odluke o vrsti, iznosu, uvjetima i načinu dodjele jednokratne pomoći.

O pravu na **sufinansiranje troškova grijanja** odlučuje JU „Kantonalni centar za socijalni rad“ na osnovu Uredbe o subvencioniranju troškova grijanja. Sredstva se doznačavaju pružateljima usluga grijanja, s izuzetkom građana koji se griju na kruta goriva, kojima se sredstva doznačavaju na tekuće račune.



## **Preporuka:**

- *Poduzeti aktivnosti na preispitivanju, a što uključuje i eventualni raskid ugovora o zakupu objekata O-9 i O-10 na lokaciji Otes, kao i sve zakonski propisane mjere kako bi korisnici smještaja u tim objektima izmirili obaveze za komunalne usluge, a sve u cilju zaštite javnih sredstava.*

## **I.3. Transferi civilnim žrtvama rata**

**Transferi civilnim žrtvama rata** se odnose na isplate: porodična invalidina 5.070.071 KM, lična invalidnina 4.306.441 KM, mjesečno lično novčano primanje 3.360.832 KM, ortopedski dodatak 921.291 KM, dodatak za njegu i pomoć 607.484 KM, zdravstvena zaštita civilnih žrtava rata 57.320 KM, ocjena radne sposobnosti 4.687 KM i PTT i ostali troškovi civilnih žrtava rata 30 KM. O pravima iz oblasti civilnih žrtava rata, odlučuju nadležne općinske službe u skladu sa odredbama Zakona o socijalnoj zaštiti, zaštiti civilnih žrtava rata i zaštiti porodica sa djecom. Sredstva se doznačavaju na tekuće račune korisnika.

## **I.4. Transfer za raseljena lica i izbjeglice**

**Transfer za raseljena lica i izbjeglice** se odnosi na rekonstrukciju stambenog fonda 370.838 KM, zdravstvenu zaštitu raseljenih osoba 73.964 KM i sudjelovanje u zajedničkim projektima održivog povratka na područja izvan Kantona Sarajevo 100.000 KM.

Rekonstrukcija stambenog fonda predstavlja realizaciju Projekta „Izgradnja objekta kolektivnog stanovanja za stambeno zbrinjavanje interno raseljenih porodica i porodica u stanju socijalne potrebe. Projekt je realiziran na osnovu Odluke Skupštine Kantona Sarajevo o davanju saglasnosti od 20.12.2017. godine, Sporazuma o saradnji između Ministarstva i Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilisane borce i prognane osobe od 27.12.2017. godine i Ugovora o nastavku realizacije Projekta od 28.12.2017. godine između Ministarstva, spomenutog Fonda, Općine Centar Sarajevo i Zavoda za izgradnju Kantona Sarajevo kojim se Ministarstvo obvezalo doznačiti 370.838 KM na račun Fonda za realizaciju spomenutog projekta.

O pravima raseljenih lica i izbjeglica odlučuju nadležne službe za poslove raseljenih osoba i izbjeglica općine boravišta, u skladu sa odredbama Zakona o raseljenim osobama – prognanicima i izbjeglicama povratnicima u Kanton Sarajevo i Uredbe o načinu ostvarivanja pomoći za održivi povratak. Rješenjem o priznavanju prava raseljene osobe, isti ostvaruju pravo na pomoć u nužnom opravku vlastitog stambenog objekta, korištenju kredita ili donacija za otpočinjanje poslova u pogledu stvaranja prihoda, zdravstvenu zaštitu, privremeni smještaj, socijalnu adaptaciju i psihološku podršku i pravo na podmirivanje drugih životnih potreba.

Sudjelovanje u zajedničkim projektima se odnosi na transfer Općini Rogatica, na osnovu Protokola o saradnji u cilju održivog povratka od 11.09.2017. godine, u cilju sufinansiranja projekta vodosnabdjevanja povratničkog naselja MZ Stjenice.

## **II. Transferi neprofitnim organizacijama**

### **II.1. Sufinansiranje javnih kuhinja**

**Sufinansiranje javnih kuhinja** u iznosu 1.922.596 KM se odnose na izdatke za nabavku namirnica za spravljanje obroka u javnim kuhinjama za lica u stanju socijalne potrebe u iznosu 1.382.878 KM, materijalne troškove za šest javnih kuhinja 505.700 KM („Stari Grad“, „Kruh Svetog Ante“, „Jelo na kotačima“, „Crveni križ Kantona Sarajevo“, „Merhamet“ i „Dobrotvor“) i donatorska sredstva za rad javnih kuhinja 34.018 KM. O pravu na topli obrok odlučuje JU „Kantonalni centar za socijalni rad“ na osnovu odredbi Zakona o socijalnoj zaštiti, zaštiti civilnih žrtava rata i zaštiti porodica sa djecom i Uredbe o priznavanju prava na topli obrok u javnim kuhinjama Kantona Sarajevo. Isplata materijalnih troškova za rad javnih kuhinja, koji se odnose na plaće i naknade troškova uposlenih u javnim kuhinjama, troškove pripreme i distribucije toplih obroka, tekuće održavanje prostora, opreme i inventara u kuhinjama i troškovi održavanja higijene prostora i posuđa, su regulisani Pravilnikom o sufinsiranju/finansiranju troškova javnih kuhinja donijetim od strane Ministarstva.



### II.2. Transfer udruženjima osoba sa invaliditetom

Transferi udruženjima osoba sa invaliditetom iskazani su 735.700 KM. Budžetom za 2017. godinu su transferi „Udruženju slijepih građana Kantona Sarajevo“ 64.600 KM, „Udruženju distrofičara Kantona Sarajevo“ 49.000 KM, „Udruženju građana oboljelih od multipleskleroze“ 46.800 KM, „Udruženju paraplegičara i oboljelih od dječje paralize“ 50.600 KM, „Udruženju gluhih i nagluhih Kantona Sarajevo“ 57.600 KM, „Udruženju oboljelih od poliomylitisa, povrede mozga i kičmene moždine“ 49.000 KM, „Udruženju oboljelih od cerebralne i dječje paralize“ 46.700 KM, Udruženju „Oaza“ 37.400 KM i „Udruženju invalida Kantona Sarajevo“ 28.800 KM, planirani po korisnicima sa pripadajućim iznosima, dok su transferi Ostala udruženja iz oblasti rada, socijalne politike, raseljenih lica i izbjeglica u iznosu 195.200 KM i Sufinansiranje programa rada humanitarnih organizacija u iznosu 110.000 KM planirani u jednom iznosu. Proceduru odabira korisnika sredstava Ostala udruženja iz oblasti rada, socijalne politike, raseljenih lica i izbjeglica i Sufinansiranje programa rada humanitarnih organizacija je provelo Ministarstvo u skladu sa odredbama Uredbe o kriterijima za finansiranje programa i projekata neprofitnih organizacija i udruženja koja se finansiraju/sufinansiraju iz Budžeta Kantona Sarajevo, Pravilnika o postupku dodjele novčanih sredstava neprofitnim organizacijama i udruženjima i Kriterija za bodovanje projekata i dodjelu sredstava za projekte, programe i aktivnosti po javnom pozivu za dodjelu novčanih sredstava humanitarnim organizacijama i udruženjima za 2017. godinu. Provedenom revizijom realizacije spomenutih transfera nisu uočene nepravilnosti.

### II.3. Sufinansiranje rada neprofitnih organizacija

Transfer KJU „Gerontološki centar“ u iznosu 350.000 KM se realizira kroz jednakе mjesечne tranše u iznosu 29.167 KM. Namjena doznačenih sredstava je definisana aktom Ministarstva od 22.11.2010. godine. KJU „Gerontološki centar“ je u obavezi uz mjesечni zahtjev za dostavu sredstava dostaviti izvještaj o namjenskom utrošku doznačenih sredstava u prethodnom mjesecu.

## 6.2 BILANS STANJA

U Bilansu stanja na dan 31.12.2017. godine iskazani su stalna sredstva knjigovodstvene vrijednosti 6.203.072 KM, finansijski i obračunski odnosi sa drugim jedinicama 4.018.808 KM, kratkoročna potraživanja 219.713 KM, kratkoročne obaveze i razgraničenja 4.238.522 KM i izvori stalnih sredstava 6.203.071 KM.

### 6.2.1 Stalna sredstva

U finansijskim izvještajima Ministarstva iskazana su stalna sredstva nabavne vrijednosti 6.644.157 KM, ispravke vrijednosti 441.085 KM, te sadašnje vrijednosti 6.203.072 KM, koliko su iskazani i izvori stalnih sredstava. Struktura stalnih sredstava je: stalna sredstva u pripremi 5.044.833 KM (stambene jedinice za smještaj socijalnih kategorija u naselju Gladno polje), stalna sredstva u obliku prava 735.486 KM, građevine 602.050 KM i oprema 261.788 KM.

## 7. JAVNE NABAVKE

Plan javnih nabavki za 2017. godinu donesen je 06.01.2017. godine, a tokom godine izvršene su u tri navrata njegove izmjene i dopune. Planirane su nabavke u ukupnoj vrijednosti od 76.100 KM.

U toku 2017. godine je provedeno 49 postupaka javnih nabavki u vrijednosti 60.993 KM bez PDV-a, od toga 47 postupaka putem direktnog sporazuma u vrijednosti 19.535 KM (ugovorene usluge), jedan konkurenčki zahtjev u vrijednosti 38.449 KM (nabavka službenog vozila) i jedan postupak dodjele ugovora iz Aneksa II dio B Zakona o javnim nabavkama u vrijednosti 3.009 KM (usluge stručnog osposobljavanja).

Ministarstvo je za nabavku opreme provedeo sedam direktnih sporazuma u vrijednosti 6.984 KM, dok je postupak nabavke službenog vozila u vrijednosti 38.449 KM proveden od strane Službe za zajedničke poslove. Vozilo je evidentirano u poslovnim knjigama Ministarstva.



Nabavke za tekuće izdatke (kancelarijski materijal, komunalne usluge, izdaci za održavanje) provodi Stručna služba za zajedničke poslove Kantona Sarajevo na čijim bilansnim pozicijama se vrši planiranje, kao i realizacija istih.

Revidirali smo ukupno 11 postupaka javnih nabavki u vrijednosti 52.762 KM bez PDV-a, od čega su devet direktnih sporazuma u vrijednosti 11.304 KM, jedan konkurenčki zahtjev u vrijednosti 38.449 KM i jedan postupak dodjele ugovora iz Aneksa II dio B Zakona o javnim nabavkama u vrijednosti 3.009 KM.

Uvidom u provedene postupke javnih nabavki nismo utvrdili nepravilnosti u primjeni odredbi Zakona o javnim nabavkama.

Ministarstvo provodi nabavku hrane i mesa za potrebe javnih kuhinja Kantona, s obzirom da je Uredbom o priznavanju prava na topli obrok u javnim kuhinjama Kantona Sarajevo propisana obaveza finansiranja dnevnih obroka za one korisnike kojima je rješenjem Službe socijalne zaštite općine prebivališta priznato pravo na topli obrok. Pošto se radi o nabavci hrane i mesa za potrebe socijalno ugroženih kategorija stanovništva, Ministarstvo je u 2015. godini tražilo mišljenje Agencije za javne nabavke, da li navedeni predmeti nabavke potпадaju pod kategoriju usluga iz Aneksa II dio B koje se dodjeljuju u skladu sa članom 8. Zakona o javnim nabavkama.

Prema mišljenju Agencije za javne nabavke subvencioniranje troškova za socijalno ugrožene kategorije stanovništva, u konkretnom slučaju troškova javne kuhinje, spada u subvencionirane ugovore za nabavku roba koji ne podliježu primjeni Zakon o javnim nabavkama. Vodeći se dostavljenim Mišljenjem, Ministarstvo je donijelo Pravilnik o nabavkama roba za potrebe korisnika Javnih kuhinja Kantona od 10.07.2015. godine, kojim su definisane procedure provođenja postupka nabavke roba. Prema riječima odgovorne osobe, do dobijanja mišljenja Agencije za javne nabavke, Ministarstvo je nabavku hrane i mesa vršilo provođenjem javnih nabavki u skladu sa Zakonom o javnim nabavkama. U toku revidirane godine nabavka hrane i mesa je vršena po cijenama iz zaključenih ugovora, a ukupna nabavka po ovom osnovu u 2017. godini je iznosila 630.081 KM sa PDV-om.

### 8. KOMENTAR

**Ministarstvo je u ostavljenom roku dostavilo Očitovanje na Nacrt Izvještaja o finansijskoj reviziji Ministarstva za rad, socijalnu politiku, raseljena lica i izbjeglice Kantona Sarajevo za 2017. godinu, broj: 13-04/1-14-2619/18 od 15.08.2018. godine.**

**Predmetnim aktom u cijelosti su prihvaćeni nalazi iz Nacrta izvještaja, s tim da su samo data dodatna obrazloženja i navedeni određeni razlozi koji su doveli do nastanka konstatovanih propusta, tako da tekst Nacrta izvještaja predstavlja konačan Izvještaj o finansijskoj reviziji za 2017. godinu.**

**Rukovodilac Sektora  
za finansijsku reviziju**

**Sead Čorbo, dipl. oec.**

**Tim za reviziju:**

**Danko Buhač, dipl. oec. - vođa tima**

**mr. sc. Aida Nurkić, dipl. oec. - član tima**



**IV PRILOG  
GODIŠNJI FINANSIJSKI IZVJEŠTAJI**



<b>Godišnji izvještaj o izvršenju budžeta za 2017. godinu</b>						
<b>Naziv institucije: Ministarstvo za rad, socijalnu politiku, raseljena lica i izbjeglice Kantona Sarajevo</b>						
Opis	Planirano	Ostvareno		Odstupanje (3-2)	Procenat (3/2x100)	
		U tekućoj godini	U prethodnoj godini			
1	2	3	4	5	6	
<b>I. PRIHODI (od 1 do 16)</b>	<b>10.590.000</b>	<b>10.115.794</b>	<b>10.395.973</b>	<b>-474.206</b>	<b>95,52</b>	
<b>PRIHODI OD POREZA (1+2+3+4+5+6+7+8)</b>	<b>0</b>	<b>0</b>	<b>0</b>	<b>0</b>	<b>0</b>	
<b>1.</b> <b>Porez na dobit pojedinca i preduzeća</b>	<b>0</b>	<b>0</b>	<b>0</b>	<b>0</b>	<b>0</b>	
Porezi na dobit pojedinaca (zaostale uplate poreza)						
Porezi na dobit preduzeća						
Porez na dobit banaka i drugih finansijskih organizacija i društava za osiguranje i reosiguranje imovine i lica, pravnih lica iz oblasti elektroprivrede, pošte i telekomunikacija i pravnih lica iz oblasti igara na sreću i ostalih preduzeća						
<b>2.</b> <b>Doprinosi za socijalnu zaštitu</b>	<b>0</b>	<b>0</b>	<b>0</b>	<b>0</b>	<b>0</b>	
<b>3.</b> <b>Porezi na platu i radnu snagu</b>	<b>0</b>	<b>0</b>	<b>0</b>	<b>0</b>	<b>0</b>	
<b>4.</b> <b>Porez na imovinu</b>	<b>0</b>	<b>0</b>	<b>0</b>	<b>0</b>	<b>0</b>	
<b>5.</b> <b>Domaći porezi na dobra i usluge</b>	<b>0</b>	<b>0</b>	<b>0</b>	<b>0</b>	<b>0</b>	
<b>6.</b> <b>Porez na dohodak</b>	<b>0</b>	<b>0</b>	<b>0</b>	<b>0</b>	<b>0</b>	
<b>7.</b> <b>Prihodi od indirektnih poreza</b>	<b>0</b>	<b>0</b>	<b>0</b>	<b>0</b>	<b>0</b>	
<b>8.</b> <b>Ostali porezi</b>	<b>0</b>	<b>0</b>	<b>0</b>	<b>0</b>	<b>0</b>	
<b>NEPOREZNI PRIHODI (9+10)</b>	<b>0</b>	<b>0</b>	<b>0</b>	<b>0</b>	<b>0</b>	
<b>9.</b> <b>Prihodi od poduzetničkih aktivnosti i imovine i prihodi od pozitivnih kursnih razlika</b>	<b>0</b>	<b>0</b>	<b>0</b>	<b>0</b>	<b>0</b>	
Prihodi od nefinansijskih javnih preduzeća i finansijskih javnih institucija						
Ostali prihodi od imovine						
Kamate i dividende primljene od pozajmica i učešća u kapitalu						
Naknade primljene od pozajmica i učešća u kapitalu						
Prihodi od pozitivnih kursnih razlika						
Prihodi od privatizacije						
Prihodi po osnovu premije i provizije za izdatu garanciju						
<b>10.</b> <b>Naknade, takse i prihodi od pružanja javnih usluga, kazne i drugi prihodi</b>	<b>0</b>	<b>0</b>	<b>0</b>	<b>0</b>	<b>0</b>	
Administrativne takse						
Sudske takse						
Komunalne naknade i takse						
Ostale budžetske naknade i takse						
Naknade i takse po federalnim zakonima i drugim propisima						
Prihodi od pružanja javnih usluga (prihodi od vlastitih djelatnosti korisnika budžeta i vlastiti prihodi)						
Neplanirane uplate –prihodi						
Novčane kazne						
Drugi tekući prihodi						
<b>PRIMLJENI TRANSFERI I DONACIJE (od 11 do 16)</b>	<b>10.590.000</b>	<b>10.115.794</b>	<b>10.395.973</b>	<b>-474.206</b>	<b>95,52</b>	
<b>11.</b> <b>Primljeni tekući transferi od inostranih vlada i međunarodnih organizacija</b>						
<b>12.</b> <b>Primljeni tekući transferi od ostalih nivoa vlasti</b>	<b>10.550.000</b>	<b>10.081.776</b>	<b>10.357.329</b>	<b>-468.224</b>	<b>95,56</b>	
<b>13.</b> <b>Primljeni kapitalni transferi od inostranih vlada</b>						
<b>14.</b> <b>Kapitalni transferi od ostalih nivoa vlasti i fondova</b>						
<b>15.</b> <b>Kapitalni transferi iz nevladinih izvora</b>						
<b>16.</b> <b>Donacije</b>	<b>40.000</b>	<b>34.018</b>	<b>38.644</b>	<b>-5.982</b>	<b>85,04</b>	



	<b>II. RASHODI (od 1 do 7)</b>	<b>62.868.352</b>	<b>62.223.971</b>	<b>61.435.916</b>	<b>-644.381</b>	<b>98,98</b>
<b>1.</b>	<b>Plate i naknade troškova zaposlenih</b>	<b>766.478</b>	<b>758.897</b>	<b>727.454</b>	<b>-7.581</b>	<b>99,01</b>
	Bruto plate i naknade plata	671.028	667.658	641.595	-3.370	99,50
	Naknade troškova zaposlenih	95.450	91.239	85.859	-4.211	95,59
<b>2.</b>	<b>Doprinosi poslodavca i ostali doprinosi</b>	<b>71.700</b>	<b>71.092</b>	<b>68.034</b>	<b>-608</b>	<b>99,15</b>
<b>3.</b>	<b>Izdaci za materijal, sitan inventar i usluge</b>	<b>117.200</b>	<b>103.710</b>	<b>78.296</b>	<b>-13.490</b>	<b>88,49</b>
	Putni troškovi	5.000	3.688	6.737	-1.312	73,76
	Izdaci za energiju					
	Izdaci za komunikaciju i komunalne usluge					
	Nabavka materijala i sitnog inventara					
	Izdaci za usluge prevoza i goriva					
	Unajmljivanje imovine, opreme i nematerijalne imovine					
	Izdaci za tekuće održavanje					
	Izdaci osiguranja, bankarskih usluga i usluga platnog prometa					
	Ugovorene i druge posebne usluge	112.200	100.022	71.559	-12.178	89,15
<b>4.</b>	<b>Tekući transferi i drugi tekući rashodi</b>	<b>61.912.974</b>	<b>61.290.272</b>	<b>60.562.132</b>	<b>-622.702</b>	<b>98,99</b>
	Tekući transferi drugim nivoima vlasti					
	Tekući transferi pojedincima	58.839.984	58.263.239	57.471.643	-576.745	99,02
	Tekući transferi neprofitnim organizacijama	3.030.150	3.008.296	3.083.965	-21.854	99,28
	Subvencije javnim preduzećima					
	Subvencije privatnim preduzećima i poduzetnicima					
	Subvencije finansijskim institucijama					
	Tekući transferi u inostranstvo					
	Drugi tekući rashodi	42.840	18.737	6.524	-24.103	43,74
<b>5.</b>	<b>Kapitalni transferi</b>	<b>0</b>	<b>0</b>	<b>0</b>	<b>0</b>	<b>0</b>
	Kapitalni transferi drugim nivoima vlasti					
	Kapitalni transferi pojedincima					
	Kapitalni transferi neprofitnim organizacijama					
	Kapitalni transferi javnim preduzećima					
	Kapitalni transferi privatnim pred. i poduzetnicima					
	Kapitalni transferi finansijskim institucijama					
	Kapitalni transferi u inostranstvo					
<b>6.</b>	<b>Izdaci za kamate</b>	<b>0</b>	<b>0</b>	<b>0</b>	<b>0</b>	<b>0</b>
	Kamate na pozajmice primljene kroz Državu					
	Izdaci za inostrane kamate					
	Kamate na domaće pozajmljivanje					
	Izdaci za kamate vezane za dug po izdanim garancijama					
<b>7.</b>	<b>Tekuća budžetska rezerva</b>					
	<b>TEKUĆI SUFICIT (TEKUĆI DEFICIT) (I-II)</b>	<b>-52.278.352</b>	<b>-52.108.177</b>	<b>-51.039.943</b>	<b>170.175</b>	<b>99,67</b>
	<b>III. TRANSAKCIJE U STALNIM SREDSTVIMA</b>					
<b>1.</b>	<b>Primici od prodaje stalnih sredstava</b>	<b>0</b>	<b>0</b>	<b>0</b>	<b>0</b>	<b>0</b>
	Primici od prodaje stalnih sredstava					
	Primici od prodaje federalnih robnih rezervi					
	Ostali kapitalni primici					
<b>2.</b>	<b>Izdaci za nabavku stalnih sredstava</b>	<b>1.135.000</b>	<b>53.156</b>	<b>362.562</b>	<b>-1.081.844</b>	<b>4,68</b>
	Nabavka zemljišta, šuma i višegodišnjih zasada					
	Nabavka građevina	1.080.000	0	352.707	-1.080.000	0,00
	Nabavka opreme	55.000	53.156	9.855	-1.844	96,65
	Nabavka ostalih stalnih sredstava					
	Nabavka stalnih sredstava u obliku prava					
	Rekonstrukcija i investiciono održavanje					
	<b>NETO NABAVKA STALNIH SREDSTAVA (2.-1.)</b>	<b>1.135.000</b>	<b>53.156</b>	<b>362.562</b>	<b>-1.081.844</b>	<b>4,68</b>
	<b>A. NETO POZAJMLJIVANJE (NETO ZADUŽIVANJE) = UKUPAN DEFICIT/SUFICIT (Tekući suficit/deficit – Neto nabavka stalnih sredstava)</b>	<b>-53.413.352</b>	<b>-52.161.333</b>	<b>-51.402.505</b>	<b>1.252.019</b>	<b>97,66</b>



<b>IV. TRANSAKCIJE U FINANSIJSKOJ IMOVINI</b>						
<b>1.</b>	<b>Primici od finansijske imovine</b>	<b>0</b>	<b>0</b>	<b>0</b>	<b>0</b>	
	Primljene otplate od pozajmljivanja drugim nivoima vlasti					
	Primljene otplate od pozajmljivanja pojedincima i neprofitnim organizacijama					
	Primljene otplate od pozajmljivanja javnim preduzećima					
	Primitak sredstava po osnovu učešća u dionicama javnih preduzeća					
	Primitak sredstava po osnovu učešća u dionicama privatnih preduzeća i u zajedničkim ulaganjima					
	Primljene otplate od ostalih vidova domaćeg pozajmljivanja					
	Primljene otplate od pozajmljivanja u inostranstvo					
<b>2.</b>	<b>Izdaci za finansijsku imovinu</b>	<b>0</b>	<b>0</b>	<b>0</b>	<b>0</b>	
	Pozajmljivanje drugim nivoima vlasti					
	Pozajmljivanje pojedincima, neprofitnim organizacijama i privatnim preduzećima					
	Pozajmljivanje javnim preduzećima					
	Izdaci za kupovinu dionica javnih preduzeća					
	Izdaci za kupovinu dionica privatnih preduzeća i učešće u zajedničkim ulaganjima					
	Ostala domaća pozajmljivanja					
	Pozajmljivanje u inostranstvo					
	<b>B. NETO POVEĆANJE (SMANJENJE) FINANSIJSKE IMOVINE (1.-2.)</b>	<b>0</b>	<b>0</b>	<b>0</b>	<b>0</b>	
<b>V. TRANSAKCIJE U FINANSIJSKIM OBAVEZAMA</b>						
<b>1.</b>	<b>Primici od zaduživanja</b>	<b>0</b>	<b>0</b>	<b>0</b>	<b>0</b>	
	<b>Primici od dugoročnog zaduživanja</b>	<b>0</b>	<b>0</b>	<b>0</b>	<b>0</b>	
	Zajmovi primljeni kroz Državu					
	Primici od inostranog zaduživanja					
	Primici od domaćeg zaduživanja					
	<b>Primici od kratkoročnog zaduživanja</b>	<b>0</b>	<b>0</b>	<b>0</b>	<b>0</b>	
	Zajmovi primljeni kroz Državu					
	Primici od inostranog zaduživanja					
	Primici od domaćeg zaduživanja					
<b>2.</b>	<b>Izdaci za otplate dugova</b>	<b>0</b>	<b>0</b>	<b>0</b>	<b>0</b>	
	Otplate dugova primljenih kroz Državu					
	Vanjske otplate					
	Otplate domaćeg pozajmljivanja					
	Otplate unutarnjeg duga					
	Otplate duga po izdatim garancijama					
	Otkup duga					
	<b>C. NETO ZADUŽIVANJE (NETO OTPLATE DUGOVA) (1.-2.)</b>	<b>0</b>	<b>0</b>	<b>0</b>	<b>0</b>	
	<b>UKUPAN FINANSIJSKI REZULTAT (A+B+C)</b>	<b>-53.413.352</b>	<b>-52.161.333</b>	<b>-51.402.505</b>	<b>1.252.019</b>	<b>97,66</b>

Rukovodstvo je Godišnji izvještaj o izvršenju budžeta za 2017. godinu odobrilo dana 28.02.2018. godine.

**Ministrica  
Alma Dautbegović**



<b>Bilans stanja na dan 31.12.2017. godine</b>				
<b>Naziv institucije: Ministarstvo za rad, socijalnu politiku, raseljena lica i izbjeglice</b>				
<b>Opis</b>	<b>U obračunskom periodu tekuće godine</b>	<b>U istom obračunskom periodu prethodne godine</b>	<b>Procenat (2/3)x100</b>	
1	2	3	4	
<b>I AKTIVA</b>				
A. Gotovina, kratkoročna potraživanja, razgraničenja i zalihe (1+...+8)	4.238.521	4.069.110	104,16	
1.Novčana sredstva i plemeniti metali				
2.Vrijednosni papiri				
3.Kratkoročna potraživanja	219.713	0	0,00	
4.Kratkoročni plasmani				
5.Finansijski i obračunski odnosi s drugim povezanim jedinicama	4.018.808	4.069.110	98,76	
6.Zalihe materijala i robe				
7.Zalihe sitnog inventara				
8.Kratkoročna razgraničenja				
B. Stalna sredstva (11+14+17+18)	6.203.072	6.166.821	100,59	
9.Stalna sredstva	6.644.157	6.629.054	100,23	
10.Ispravka vrijednosti stalnih sredstava	441.085	462.233	95,42	
11.Neotpisana vrijednost stalnih sredstava (9-10)	6.203.072	6.166.821	100,59	
12.Dugoročni plasmani				
13.Ispravka vrijednosti dugoročnih plasmana				
14.Neotpisana vrijednost dugoročnih plasmana (12-13)				
15.Vrijednosni papiri				
16.Ispravka vrijednosti vrijednosnih papira				
17.Neotpisana vrijednost vrijednosnih papira (15-16)				
18.Dugoročna razgraničenja				
<b>UKUPNO AKTIVA (A+B)</b>	<b>10.441.593</b>	<b>10.235.931</b>	<b>102,01</b>	
<b>II PASIVA</b>				
C. Kratkoročne obaveze i razgraničenja (19+...+24)	4.238.522	4.069.110	104,16	
19.Kratkoročne tekuće obaveze	4.172.750	4.003.927	104,22	
20.Obaveze po osnovu vrijednosnih papira				
21.Kratkoročni krediti i zajmovi				
22.Obaveze prema zaposlenicima	65.772	65.183	100,90	
23.Finansijski i obračunski odnosi s drugim povezanim jedinicama				
24.Kratkoročna razgraničenja				
D. Dugoročne obaveze i razgraničenja (25+26+27)	0	0	0,00	
25.Dugoročni krediti i zajmovi				
26.Ostale dugoročne obaveze				
27.Dugoročna razgraničenja				
E. Izvori stalnih sredstava (28+29+30+31-32)	6.203.071	6.166.821	100,59	
28.Izvori stalnih sredstava	6.203.071	6.166.821	100,59	
29.Ostali izvori sredstava				
30.Izvori sredstava rezervi				
31.Neraspoređeni višak prihoda nad rashodima				
32.Neraspoređeni višak rashoda nad prihodima				
<b>UKUPNO PASIVA (C+D+E)</b>	<b>10.441.593</b>	<b>10.235.931</b>	<b>102,01</b>	

**Na poziciji „Finansijski i obračunski odnosi s drugim povezanim jedinicama“ u skladu sa propisima za budžetske korisnike koji nemaju transakcijske račune iskazuje se razlika Aktive i Pasive.**

Rukovodstvo je Bilans stanja na dan 31.12.2017. godine odobrilo dana 28.02.2018. godine.

**Ministrice  
Alma Dautbegović**